

REALITY SMARA

(di G. Secco - G. Secco e M. Viel)

El bel no l é sol che color,
el bel no l è sol che cantar,
el bel l à profumo e saór,
el bel l à pi pompa de l cor,
el bel l é la pèl de n bodat
na toşa co l primo toşat;
el bel l é na fiza a quaranta,
na faza ingrespada a i otanta

RIT:

Sta civiltà de l 'benessere'
de strade ingombre de machine
che pa schivar i gas tòsici
te met su l muşo le maschere
che l te impreşona senz oblige
e l te regala n bel alibi
così i to sogni e i to crediti
i mor vardando n reality

El bel no l è solo vardar,
el bel l è vardar e provar,
el bel l è imparar e po olsar,
el bel l è pa n cin arivar.
Ma dopo pì bel l è tornar,
andar n antra olta a catar,
e n ntra montagna scalar,
al mar o n deserto pasar.

RIT:

Sta civiltà de l 'benessere'
che salva le foche móneghe
che tira dént e pèl lucide
e peşa i òn par le màchine
dove le guère par favole
e a dir al vero l é i comici
intant che i sogni e i to crediti
i mor te n mar de reality

Al bel al é anca girar,
sto mondo ch é tut da imparar;
te vét de i puaret le alegrîe.
de i siori e de l oro le ombrîe.
Al bel l é parfin dubitar
che l mondo al pose cambiar,
che rento ne s-ciope l pensiero
de ndar vero in zerca del vero!

RIT:

Sta civiltà de l 'benessere'
che pensa solo che a vénderne
che crómpa alegra le àneme
e le speranze de i dóveni
dove le droghe e le bìbite
le stropa i bus de i anèliti
intant che i sogni e i to crediti
i mor te l mar de i reality

la la la la la la lalà

.....

.....

.....
che te impreŝona senz oblige
e te regala n bel alibi
coŝì co ŝogni e i to crediti
te mor vardando n reality

Gianluigi Secco - testi per canzoni - CD 2009 - PROVE DI PAZZIA SENILE